

FILIPÍ

Paulo e miti kijaŋ žâžâŋiŋ moc rawec i raku Asia mâreŋ masunao hâwecmecko hae moc ŋewec žâŋene Troa, ira fisiwec. Fisirâ juhame ŋuŋko Airopa mâreŋkonec ŋic moczi wira wâwâsic ecneme manarâ Airopa mâreŋko rawec. Raku Makedonia mâreŋko Filipi haeo fisiwec (Aposolo 16:9-12). Luka â Sila jahe ehac mâmâc jumbiŋ. Eme Paulo e hae ira miti mume Lidiazi mana zakierâ hezu hewâneg ejarewec. Žâheci ine Paulo â Sila kâcbingzi jofarâ kâpâcwâru ficko râec-jofambiŋ. Ira fohapire ŋafeo homenzi motâc bâŋgoroŋkeme soŋaŋ e sahac-ticne qazo ewec. Eme hae fureme Luka e ijaha juhame Paulo â Sila jahe Tesalonike haeo rapic (Aposolo 16:14-40).

Filipi haeonec jaŋe mitire mana aŋac boc epie Paulozi jaŋere bubiaŋ kâcqene bajuwec. Ehuc žiguc qâreŋke-jarewec: Ŋoŋe hâcne eri bubiaŋfâc-nane (**gaŋ 4:1**). Hae gâcnaoneczi Paulo moner mafa râcnezo mupie qikignewec. Filipi haeonec miti ŋic ŋokac jaŋe ine Paulore manjenci boc domawecte bubiaŋ wiac râcnepie rojujec (**gaŋ 4:10-18**). Roma haeo kâpâcwâru ficko ŋehame Epafodito bubiaŋ wiac bâmoc-kerâ râcnepie barâ rawec. Erâ Roma haeo fisirâ hucsâko bame hâmozo ewec. Foku qiqic qame Paulozi soreme hae-ticnao risiewec, ehuc Paulore papia i bafisirâ âgofâcne jarewec (**gaŋ 2:25-35**).

Paulozi žeri bubiaŋ dâŋ bocjaha qâreŋke-jarewec (**gaŋ 3:1 â gaŋ 4:4**). E jahacnere žiguc manawec: No mi nupie hâmojemu, no ŋoŋehac mocwâc jupemu. E hâmocte mi hâwickewec, mâc giere manabâc ewec (**gaŋ 1:13-14 erâ 21-26**). Maŋ mocjaha erâ Jesure bâjâpecfâc fârine juniŋte uŋsawaŋ â mu qâmoc dâŋ qâreŋke-jarewec wâc (**1:27-2:18**). Miti bâbâsifuc ŋic Filipi haeo fisimbij, ehuc žiguc mumbij: Mamac-jeŋic kâpâcwâruo fohame ŋicfâcne sâcne rucjopapene nâŋâcne kike bâjâpec enzepieŋ. Eme Paulo e jaŋere uŋsawaŋ dâŋ qâreŋkewec (**gaŋ 1:15-17 erâ gaŋ 3:17-19**). Ŋic i jaŋere rucsoŋaŋ juniŋte mujarewec, ehuc mao eri-nâŋec râekicne irec henzirigneniŋte bufac qajarewec (**gaŋ 3:12-16**).

Jambuŋdâŋ

- 1** Paulo â Timoteo, Jesu Kristore kijaŋ qaqa, nâhe Filipi haeonec Kristo Jesure mitiŋic ŋokac â soŋaŋ babafic ŋoŋere papia ži râekoperec.
2 Mamac-nâŋec Anutu â Wofuŋ Jesu Kristo eraonec aki anonoc â wama ŋoŋerao fotâcnerâ fozejec.

Paulo e kâpâcwâru ficko ŋic jaŋere era Wofuŋ dange numumu ecnewec

3 No ŋoŋere manasuhuc sâc Anutu-nane dange âžâcneekopac. **4** Ŋoŋe Biŋebiaŋ manahuc izia nâŋehac qâturerâ giene bawarehuc jumbij, **5** eme irec numuekopac sâc mâmâc-ŋeŋicte bubiaŋ manahuc Wofuŋ dange numumu ecneekopac. **6** Erâ žiguc manapaŋkekopac, gie biaŋ ŋoŋerao fuŋkeweczi baku bataraha Jesu Kristo fifisi dameŋ-ticne maickezokac. **7** No

ŋoŋe sasawa iŋuc mana-ŋarekopac i fuŋne zĩŋucte sâckekac: No zira kâpâcwârú ficko Biŋebianŋe erâ dâŋgie bahuc feŋeŋ râecnepe ŋoŋe sasawa bificnuhuc ŋesiŋ ŋenareengopieŋ; eme no irec hâcne maŋnanezi zâfic-ŋopaekopac. ⁸ Jesu Kristozi maŋjaun enâreekac ira hesiŋnehuc no ŋoŋere erâ maŋhâhâŋ boc enareekac, i Anutuzi manaha jâmbomac mukopac. ⁹ Erâ maŋjaun-ŋeŋiczi maŋ mamanasu â mamana wosâc-ŋeŋic bâsoka raocte numuhuc juekopac. ¹⁰ Eme ŋoŋe wiac fâri wâmbuŋne hone zâŋitac erâ Kristo fifisi-ticnere manasuhuc maŋtaniŋ â bahacmâc junzepieŋ, ¹¹ ehuc Jesu Kristozi hume keten egareme mitire fârine mâririhec bâfuapie Anutuzi zeri mumuten ezejec.

Gâcnezi hehefaricko miti mumbin

¹² Âgofâc-nane, kâuc banziŋŋe ŋazape, no zira wiac fua-narewec izi Biŋebian hatacke-hâmoocte fuawec. ¹³ No Kristore erâ kâpâcwârú ŋic epo, dâŋ izi zira kia â momori â ŋic gâcne jaŋere hazecko hufârewec. ¹⁴ Eme kâpâcwârúo ŋehape zirecnec âgofâc-nâŋec gâcne sâko jaŋe Wofunŋe manasuhuc afeckerâ Anutuzi dâŋ hâhâwic tâmiric muengopieŋ. ¹⁵ Tucne Kristore miti i iŋguŋko â hehefaricko muengopieŋ, â tucnezi ine buurucko muengopieŋ. ¹⁶ I jaŋe muengopieŋ ine no zira fohuc Biŋebian ŋezickeekopac irec maŋjaun enarehuc muengopieŋ, ¹⁷ â gâcnezi ine sioc ehuc iiriacko Kristore zâŋe muromackeengopieŋ, i kâpâcwârú-nanere faio buzâic bâfua-nareninŋe eengopieŋ. ¹⁸ Erâ iŋuc me iŋuc, miti qâtiŋ ehuc munigmu me jâmbomacko munigmu irec wemocte boc muzo, mâc Kristore dâŋzi haŋ baocmu izi fârine, eme i fuakacte bunane bianŋekac.

Paulo e juŋure â hâhâmore mâmâc ecnewec

¹⁹ Erâ zĩŋuc muhuc bubian hati juŋemu: ŋoŋe nore erâ nunumu gie bapie Jesu Kristore Mârozi baficnume wiac keczi bubian bâfua-nareocmu. ²⁰ Erâ mimi mi bâfuapemu, i manapaŋkepe zickeha maŋzi worickehuc juŋemu. Ewarepo iŋuc erapemu, juŋure me hâhâmore saha-nane maŋafec jaha Kristo qikiŋnecepe izi mumuten-ticne ezejec. ²¹ Kristozi juŋu-nane ekac â hâmoczi wiac fekiecne bâfua-nareocmu. ²² Me mâreŋko zuhuckerâ juŋemu, ine giere fârine mocwâc bâfuapemu. Irec wenimoire afeckepe muhuc manguru ekopac. ²³ No mocte â mocte mâmâc enarekac. Mâreŋ beherâ Kristo bâfuarâ ehuc juŋu irec aŋacnukac, izi hâcne wiac fekiecne. ²⁴ Â ŋoŋe bekâ enziŋŋe ine ŋoŋere erâ mâreŋko mocwâc zuhuckerâ juŋe sâckeocmu. ²⁵ Eme irec hâcne zĩŋuc manapaŋkeekopac: No mi hâhâmo ŋoŋehuc juŋemu, erâ bafic-ŋopape mamansiŋ-ŋeŋic qârâŋkeme bubianŋhec junzepieŋ. ²⁶ Â ŋoŋerao mocwâc fâri juŋe nore erâ Jesu Kristo mutenkeengopieŋzi hati erâ mutenkenzepieŋ.

Keketen erâ juŋu gie bazo

²⁷ Mocjaha, ŋoŋe kikefunŋe maio Kristore furu Biŋebian irec sâcko

1:8 Rom 1:9; Kor II, 1:23; Tes I, 2:5 1:10 Rom 2:18; 12:2; Tes I, 5:23; Heb 5:14 1:11 Efe 5:9;
1:6, 12, 14; Joh 15:8 1:12 Tim I, 2:9 1:13 Fil 4:22; Efe 3:1 1:18 Fil 2:17, 18 1:19 Hio 13:16;
Kor II, 1:11 1:20 Pet I, 4:16 1:21 Gal 2:20 1:22 Rom 1:13 1:23 ŋic I, 19:4; Kor II, 5:8
1:27 Kol 1:10; Fil 4:3; Tes 2:12

junze pieŋ. Erâ maŋ mocjaha ehuc zâzâfic erâ keketeŋ domahuc Biŋebianŋte juju gie bapie fârâ honec-ŋopazepac, me taicko juhuc biŋe-ŋeŋic manaze-pac. ²⁸ Keketeŋ epie kisâfâc-ŋeŋic hâhâwic heŋarepie hâbi-ŋeŋic mi goronkezejec. Iguc epie Anutuzi jaŋe beheç-jopaocmu â ŋoŋe rocŋopaocmu irec fuŋne bataninŋeocmu. ²⁹ Anutuzi Kristo wiac ecneninŋte mana-ŋarewec i manasinŋeninŋte sawa mâcne, ere erâ zâic fâro faio juninŋte mâmâc mana-ŋarewec. ³⁰ Eme no mârâcko juju gie bape honecnumbiŋ â zinjuczia bape biŋene manaengopieŋ, juju gie ijaha ŋoŋe baengopieŋ.

Maŋ mocjaja erâ jaun babac ezo

2 Ŋoŋerao Kristore erâ sawaŋ qaqac me maŋjaunŋko muketeŋ, me Mârohec zâzâfic, me miriŋ â buuruc, wiac i sasawa fokacko ² bubi-
-nane ferâ foocte mamanasu-ŋeŋic qâturenze pieŋ, erâ manzi zâzâfic ehuc mocjaha efârêrâ wiac irecteaŋ henziŋirinehuc junze pieŋ. ³ Ŋoŋe hehefaricko â sahac mumuteŋko wiac mi enze pieŋ, moc e jahacne maŋ bawahahuc âgofâcne jaŋere maname fezejec. ⁴ Erâ moc e jahacne wiac embianŋkeocte sawa mâcne, âgofâcne jaŋere fua bian eocte mâmâc manasuzejec.

Jesuzi hata bânie-nârewec ijaha âtezo

⁵ Kristo Jesure maŋ mamanasu fowec, iguc jaha ŋogerezi fozejec. ⁶ E Anutu juju jewecz i ne, Anuture sâcko juekopac weniŋuc behepem u, iguc muhuc mi sakarewec. ⁷ Aricne, e juju-ticne hetarârâ kiŋaŋ qaqa hawari rohuc ŋic igucne fuawec, â eebapa-ticne honepie ŋic nâŋâcne sâc ewec. ⁸ E wahakicne erâ juhuc micrerenŋte hata âte raku hâmoc maickewec, mariponŋko hâmoc hâcne. ⁹ Iguc ewecte Anutuzi bafehuc fekicne sâko âkendânnewec. Âkendânnerâ zâŋe biŋe-ticne fuŋmoc izi haŋ bahuc ŋic zâŋe biŋe getâcke-fâreocte mucnewec. ¹⁰ Eme sambânŋko â mârenŋko â mârenŋ jujuwicnao juengopieŋ jaŋe zengoma Jesure zâŋe muhuc dienzi hecnenze pieŋ ¹¹ â micne mic sâc Jesu Kristo e Wofuŋ jukac iguc musereckenze pieŋ. Eme mumuteŋ izi Anutu Mamacte biŋe ezejec.

Bianŋke-hâmonanŋte fotarienze penenŋ

¹² Jorocfâc-nane, ŋoŋe dameŋ sâc micrerenŋ eengopieŋ, ŋoŋehc juhape sawa mâcne, taicko juhape wâc ejâmbânŋkeengopieŋ, irec bâbâpiaŋ-ŋeŋicte fârine bâfuaniŋte mezac-ŋopaha fotac qatarienze pieŋ. ¹³ Anutu e jahac hâcne, honec-ŋopame biankeocte aafecke mecne fârine bâbâfua mecne irec tâpîri ŋareekac. ¹⁴ Ŋoŋe wiac sasawa kârŋ â maŋguru tâmiric enze pieŋ. ¹⁵ Erâ bahacmâc â maŋtaniŋ junze pieŋ, ehuc ŋicguru bac bâŋoricne â qaqaharicne jaŋere dapâc ŋondenŋko Anuture naru motecfâc maŋqaqac erâ juhuc bâpiŋ igucne tamaenze pieŋ. ¹⁶ Tamaehuc jujure dân paŋnea bajunze pieŋ. Iguc epie juku Kristo fifisi dameŋ-ticnao, zâic mi mana-bipiepo â gie

1:30 Apo 16:22 2:3 Gal 5:26; Rom 12:10 2:4 Kor I, 10:24, 33 2:6 Joh 1:1, 2; 17:5; Ful 1:27; 3:5
Jes 53:3; Kor II, 8:9; Heb 2:14, 17 2:8 Heb 12:2; 5:8; Joh 10:17 2:9 Apo 2:33; Efe 1:21; Heb 1:3, 4
2:10 Jes 45:23; Joh 5:23; Bar 5:13 2:12 Pet I, 1:17; Mi Mâ 2:11 2:13 Joh 15:5; Kor II, 3:5;
Tes I, 2:13 2:14 Pet I, 4:9 2:15 Mat 5:14; 10:16; Fil 1:10; Efe 5:8; Sâc 32:5; Apo 2:40
2:16 Tes I, 2:19; Gal 2:2; Jes 49:4; 65:23

mi bāipiepo, irec fuḡne taniḡkeme zeri bubiaḡ manazepac. ¹⁷No mama-nasiḡ-ḡeḡic Anutu taha bacnehuc saḡac-nane due bapemuo sifu irec zeri ehuc ḡeḡehac bubiaḡ manapemu. ¹⁸Ā ḡeḡe iḡuc jaha zeri ehuc nohec bubiaḡ mananzeḡieḡ.

Timoteore dāḡ

¹⁹Wofuḡ Jesuzi maname sākeme Timoteo biac ḡeḡerao sorepe fāocte mukopac. Eme ḡeḡere dāḡ biḡe moc risie wareme manarā bunane mātēḡ-kezeḡec. ²⁰ḡic e iḡucne moc mi junareḡḡoḡieḡ, eki jāmbomac ḡeḡere manonieḡhuc maḡticnezi dopec-ḡopaocmu. ²¹ḡic ḡācne jaḡe jaḡacnere sawa manasuhuc Jesu Kristo ḡie-ticnere mi muengḡoḡieḡ. ²²Timoteo ine juju-ticnere fuḡne manaengḡoḡieḡ, ḡokāzi mamac-ticne bafickeekac iḡuc jaha no Biḡebiaḡte ḡiere baficnuekac. ²³Eme no nahacnao wiac iḡuc me iḡuc fuaocmu i mana-hāmora e hācne biac sorepe fāoocmu. ²⁴Erā Wofuḡzi mana-nareme no nahac wāc mi zoraha ḡeḡerao fāpemu, iḡuc manakopac.

Epafodito ere dāḡ

²⁵No wiac basahuc juhape ḡeḡe Epafodito soreḡie ware dope hutuḡ enarewec, ehuc qomā-nane ā babafic-nane ā momori āḡo-nane juekac, e sifu bārisie-ḡarezo mukopac. ²⁶E huc bame biḡene manambiḡ, eme ere manabāc enḡiḡiḡte ḡeḡere maḡhāhāḡ ecnekac. ²⁷E huc ḡemācne bame hāmozo ewec. Anutuzi ine ehāmocnewec, erā e sawa mācne, norao busāqoczi busāqoc fuazacte no māmāc ehāmo-narewec. ²⁸ḡeḡe honerā buḡeḡic biāḡkeocte ā no iḡuc jaha manabāc tāmiriḡ juḡemurā e mi sakare-huc ziḡuczia rāepe fakac. ²⁹Irec fāme bubiaḡ manacnehuc Wofuḡte erā āḡo ecnenzeḡieḡ. ḡeḡe ḡic iḡucne hācne sāsēc-jopaḡzeḡieḡ. ³⁰E Kristore ḡiere erā hāmozo ewec. ḡeḡere okacne kiḡaḡ qanareocte saḡac-ticne qaisoc-kewec.

Mitiḡic bābāsifucne jaḡere rucsoḡaḡ juzo

3 Āḡofāc-nane, moc mupe. Wofuḡte erā bubiaḡheḡ junzeḡieḡ. Dāḡ hāsine ijaha qāreḡke-ḡarezoḡe manape mi quḡkeḡac, ā ḡeḡe ine hume ketēḡ eḡarezeḡec.

²ḡeḡe qāto jaḡere rucsoḡaḡ junzeḡieḡ, miti ḡie bapa bābāsifucne, saḡac hehetāc ḡic jaḡere rucsoḡaḡ hācne junzeḡieḡ. ³Anutu maḡzi kiḡaḡ qacne-engḡopenēḡ ā Kristo Jesuraḡ qohotaengḡopenēḡ ā mamasasiḡ-nāḡec saḡacko mi rāeengḡopenēḡ, nāḡāc hācne ma fārine bajuengḡopenēḡ. ⁴No nahac saḡacko siḡkezo murā sācne ezaḡo. ḡic ḡācne jaḡe saḡacko siḡkeengḡoḡieḡ no ijaha ezo murā siric-jopaḡazo. ⁵No fuarā fohape zoaḡ 8 eme saḡac-naneo ma bambiḡ, no Israe ḡicḡuruonec, Benjaminḡe qāric, no Judāḡiczi Judāḡic jaḡeraonec fuakicne hācne, sācmutāc dāḡte nengocne farisaio ḡic juḡo, ⁶zoqac-nanere erā kikefuḡ jaḡere rāsi epo, sācmutāc dāḡ sācḡo tiḡne juju ā bahacmāc juḡo.

2:17 Rom 15:16; Tim II, 4:6 2:18 Fil 3:1; 4:4 2:20 Kor I, 16:10 2:21 Tim II, 4:10, 16; Gal 4:17
2:24 Fil 1:25 2:25 Fil 4:18 2:29 Kor I, 16:16; Tim I, 5:17 3:1 Fil 2:18; 4:4 3:2 Bar 22:15
3:3 Rom 2:29 3:4 Kor II, 11:18, 22; Apo 26:5; Luk 1:59; 2:21

Paulozi Wofun̄te erâ wiac sasawa jawane muhuc qikiñnewec

⁷ Eme no mârâc wiac bajuhuc manape fârine ewec, i zâhec ine Kristore erâ manape racne ewec. ⁸ No Wofun̄-nane Kristo Jesu ere fun̄ne hone zâñitâc erâ manape furi sâko eme wiac mârâc epo bapo irec jâmbomac manape racne eekac. No Kristo rauckepemurâ ere erâ wiac sasawa ho jawa muhuc qikiñne-fârepo. ⁹ No erao qohotahuc, sâcmutâc reñkehuc kiñfâsâc bâbâfua i mâcne, Kristo manasiñkehuc kiñfâsâc juju irec enareekac. Mamanasiñhec jupe Anutuzi kiñnanere maname tatara, irec mukopac. ¹⁰ Erâ no Kristo mañzi hemiriñkepe fafahare-ticnere tâpiri norao fuame zâic manawecko zuhuckerâ ehec manazepac. Eku hâmoc-ticnere hawari wâc bâfuazepac. ¹¹ Iñuc eerâ raku hâmockonec fafahare bâfuapere enareekac.

Mao eri râe-nârekicne irec henziñnezo

¹² No nahacnere ziñuc mi mukopac: Biac mao fisirâ eri bâfuapo. Mâc Kristo Jesuzi no rocnuwecte eri bâfuapemurâ hata gagasa i gasackeekopac. ¹³ Âgofâc-nane, eri biac bâfuarâ ropo, i no nahacnere manape iñuc mi ekac. Kecziñuc ine eekopac: Wiac hetarapo i râpeckeekopac, â wiac mai-naneo râekicne irec menane sicneekopac, ¹⁴ ehuc Anutuzi Jezu Kristore erâ sambân̄te hefârecnuhuc mao eri râe-narewec, i bâfuapemurâ zâñezi hone denderñehuc gasackeekopac. ¹⁵ Soka tarakicne nâñâc mâmâc sasawa wiac irecteañ hâcne henziññehuc junzepeneñ. Eme wiac mocte manapie hatane moc ekacko Anutuzi maññeñc batamaeme mana taraniñmu. ¹⁶ Mâc hata âte waremben̄ ijaha âte ranzepeneñ.

Nâñâc sambân̄ hae irec fârine

¹⁷ Âgofâc-nane, banie-garepe honecnuhuc ijaha bâjâpecnunzeñeñ. Â ñic gâcne sâc ijaha juhuc bân̄ie-garengopieñ jañerao wâc zâñe fihuc junzeñeñ. ¹⁸ Ñic tucne jañere ñaza warehuc jupo, zi ine ki busâqocheç mocwâc ñazape: Jañe Kristo maripon̄-ticne râsi ecneengopieñ. ¹⁹ Ñic i jañe hâcne sisipiric bâfuan̄iñmu. Hobu-jen̄iczi wofun̄ ejareekac, â wiac mimineheczi bubian̄ qajareekac, â mâren̄konec wiac mañ mamasasu-jen̄ic rofâreekac. ²⁰ Nâñâc ine sambân̄ hae irec fârine, eme irecneç hâcne bâbâpiñ-nâñec, Wofun̄ Jesu Kristo, e waharâ rocnâpoocte woñec juengopeneñ. ²¹ E ñic â wiac sasawa bawahac-joparâ jahacne rurumañko guruc-jopaocte tâpiri focnekac, tâpiri izi sahac-nâñec waha qaqane bâtikieme e jahacne sahac iñucne tatamac huririnehec eocmu.

Paulo âgo babaficfâc -ticne jañere dân

4 Âgo bianfâc-nane, mañnane ñoñere boc ecneekac, ñoñe hâcne eri bubianfâc-nane, ñoñe Wofun̄tao qohota sanan̄kenzeñeñ, jorocfâc-mae. ² Euodia â Sintike ñokac jahec jahe Wofun̄te erâ mañ mocjaha erâ

3:7 Mat 13:44, 46 3:9 Rom 3:21, 22 3:10 Rom 6:3-5; 8:17; Gal 6:17 3:11 Apo 4:2; Bar 20:5, 6
 3:12 Tim I, 6:12; Apo 9:6 3:14 Kor I, 9:24 3:15 Kor I, 2:6 3:16 Gal 6:16 3:17 Kor I, 11:1;
 Tes I, 1:7; Pet I, 5:3 4:18 Kor I, 1:23; Gal 6:12 4:19 Rom 16:18 4:20 Efe 2:6; Kol 3:1; Heb 12:22
 3:21 Kor I, 15:43, 49, 53 4:1 Kor II, 1:14; Tes I, 2:19, 20

juzepirec. ³ Â babafic fâri-nane go ine gokac jahec hâcne hone mañ ejactezemec. Jahe mecne â Kelemento â âgo gâcne jañe Biñebiante giere dopecnumbiñ. Žañe-jenji juju sanante papia qizecko fofârekac.

Mu baafec dâñ

⁴ Ţoñe WofunŢe erâ žeri bubiañ manahuc junzepieñ, no harierâ mupe, žeri bubiañ mananzepieñ. ⁵ WofunŢi bâñiñ-nâpokacte ģic sasawa wamane ejarenzepieñ. ⁶ Wiac irec me irec mana mezac mi ee manñenġicte dâñ fugne fugne i Anutu danġe nunumu ecnehuc mutaniġkecnenzepieñ. ⁷ Eme Anuture wama e ģic mamana sirickeekaczi mañ mamanasu-ñenġic qâzuckeme Kristore fosanañkeocmu.

⁸ Erâ âgofâc, dâñ moc mupe: Wiac fârine â wiac arañ bapanehec, wiac tiñe â wiac qaqaçne, wiac hohone žiziwene â wiac mamana žiziwene, wiac eesaricne â wiac bubiañ bâbâfuane, wiac i sasaware henžirignehuc junzepieñ. ⁹ No wiac mu qazuc â ġaza ġowatuc epe hone manac embiñ, ijaħa ehuc jupe Anutu wama runezi ġoñehēc juocmu.

Paulozi iñuc me iñuc jume bame biañkewec

¹⁰ Ţoñe ġondeġne moc mâc juwareku ži nore mocwâc manasurâ buafec-ñenġicte ehâmo-narembiñ, irec manape WofunŢao qacneme bubiañ kâcçene manakopac. Ţoñe nore mamanasu i manasumbiñ, mâc wiac enarenġicte hata basarâ quñkemiñ. ¹¹ No kâroñ qağarehuc mi mukopac, no wiac i me i basarâ mâc juhuc manape mi sâqoreekac. ¹² No qafec qawahac juju me fofu dunduñ fonareħa juju, iñuc me iñuc južo murâ sâcne jupe. Nâ gapehec juju â natac qatac juju, mâriri faio juju â roroc faio juju, irec fugne mâmâc manaeopac. ¹³ Tâpiri nareme sananġeekopac, ere erâ jupe bape sâcke-fâreekac. ¹⁴ Ţoñe ine busâqocko juħape ehâmo-narenbiñte manape biañkekeac.

Paulo wiac râcne tahac embiñ

¹⁵ Filipi ġaeonec ģic gokac ġoñe mananġopieñ, no Biñebiante ġie fufunġe damenġo Makedonia mârēñ behepoo kikefun ġâcnezi mâc juħapie ġoñe buc nohec naren ġaren embēñ. ¹⁶ Erâ Tesalonike ġaeo juħape saħacte wiaczi dopecnuhuc jumbiñ wâc. ¹⁷ No moneñ mafare mî mukopac, mâc miti-ñenġicte fârine fuaocte mukopac, eme fârine izi ġoñeraopec ġamârekaħ hâcne. ¹⁸ Ži wiac bâfuacnu-fârewec, bocjaha fonarekac. Epafoditozi ġoñeraonec wiac bafisi-nareme mâririheēc epo ġukopac. Ţoñe no wiac enarenbiñ, irec manape WofunŢ taha bâzi biañ âsu mumundognehec ecnembiñ ekac. ¹⁹ Anutu-nane e mâriri bâbâfuazi Kristo Jesure erâ wiac hezu ġeġareme ġâmoc ġuriāñ tâmiric ġuniġmu. ²⁰ Anutu Mamac-nâñec eraħ ine mumutenzi mumuten ġoražihuc juzejeç sanāñ. Ĵâmbomac.

4:2 Mi Mâ 69:28; Luk 10:20 4:4 Fil 3:1; Kor II, 13:11 4:5 Heb 10:37; Jak 5:8, 9
4:6 Mat 6:25-34; Kol 4:2; Pet I, 5:7; Mi Mâ 145:18; Joh 14:27 4:7 Kol 3:15 4:8 Rom 12:17
4:9 Tes I, 5:23; Rom 16:20; Kor I, 14:33 4:11 Tim I, 6:6 4:12 Kor II, 6:10 4:13 Kor II, 12:10;
Tim II, 4:17 4:15 Kor II, 11:9 4:17 Kor I, 9:11 4:18 Wah 29:18; Ezeġ 20:41; Fil 2:25

Mumutara dân

²¹ No Kristo Jesure erâ manasuc-ḡopakopac, i mitiḡic ḡokac jaza-fârenze-piḡ. Â âḡofâc-nane nohec jḡḡopiḡ jḡḡe wâc manasuc-ḡopangopiḡ.

²² Mitiḡic sasawa â Sisare ḡicfâc jḡḡe wâc boc manasuc-ḡopangopiḡ.

²³ Wofuḡ Jesu Kristo ere aki anonoczi maḡ qâqâtâc-ḡeḡicko fofârezejeḡ. Jâmbomac.